

**Nunat Aqqinik Aalajangiisartut
marlunngorneq juunip 14-anni 2016-imi
Ilimmarfimmi ataatsimiinnerat**


Peqataasut.: Karl Elias Olsen, Kirstine Kreutzmann, Marianne Petersen, Jens Danielsen
(oqarasuaatikkut malinnaavoq).

Peqataannngitsut: Bolatta Vahl (suli peqqissisimannnginnini pissutigalugu).

Allatsi: Lisathe Møller Kruse

Oqaluuserisat makkuupput:

1. Kangaamiut eqqaanni nunat aqqi akuerineqanngikkallartut akuerinissaat
2. Inoqarfiit agguataarneri taaguutaalu eqqartorlugit naliliiffigineri. Nuna Tamakkerlugu Pilersaarusiortarnermut Immikkoortortaqaarfiup saaffiginnissutaa
3. Nunat Aqqinik Aalajangiisartut pillugit Inatsisartut inatsisissaattut siunnersuutip tusarniaassutigineqarnertup eqqartornera
4. Taasiariaqartut



1. pillugu –

Kangaamiut eqqaanni nunat aqqi kingullermik ataatsimiinnermit akuerineqanngikkallartut, nunallu aqqinik ilisimasalinnut apeqqutigisassat apeqqutigineqareermata Nunat Aqqinik Aalajangiisartut nunat aqqi akuerineqanngikkallarsimasut eqqartorpaat. Nunat Aqqinik Aalajangiisartut nunat aqqi ataasiakkaarlugit eqqartorpaat.

Ataatungaaniittut nunat aqqi ersarissumik naqinnillit Nunat Aqqinik Aalajangiisartut akuerisaat takuneqarsinnaapput:

1. Inussullaat vs Inussullat → **Inussullak**

2: Tinuteqisaap nunaa vs Nunarsuaq vs Tinitoqisaaq, Tinuteqisaaq → **Tinuteqisaaq**

3: Qallunnguit vs Qallunngit → **Qallunnguit**

4: Narsatsialik vs Narsatsaalik, Narsaatsialik → **Narsaatsialik**

5: Naanngisat vs Naangissat, Naanngisat → **Naanngisat**

6: Kangingusaata nuua vs Kangingusaa, Kanginguusaa → **Kangingusaa**

2. pillugu –


Namminersorlutik Oqartussat allaffeqarfiisa ilaata Nuna Tamakkerlugu Pilersaarusiornermut Immikkoortorta qarfiup saaffiginnissutigaa Kalaallit Nunaanni inoqarfiit agguataarnerisa taaguutissaannut tunngasoq.

Nunat Aqqinik Aalajangiisartut ataatsimiinnginneranni Oqaasileriffik siunnersuutaasinnaasumik suliaqarpoq. Nunat Aqqinik Aalajangiisartut eqqartuereerlutik aalajangerpaat suliaqarpoq ukiamut aatsaat aalajangiivigineqassasoq. Suli aalajangermissamut tunngavissat amigaataaneri pissutaallutik ukiamut kinguartitsipput.

3. pillugu –

Nunat Aqqinik Aalajangiisartut pillugit Inatsisartut inatsisissaattut siunnersuutip Namminersorlutik Oqartussat tusarniaassutigisaa Nunat Aqqinik Aalajangiisartunit eqqartorneqarpoq. Inatsisissatut siunnersuut Nunat Aqqinik Aalajangiisartut akuerivaat, ataaserli naqqiissuteqarfigissallugu aalajangerlutik.

Inatsisissatut siunnersuummi § 5-imi ullui kukkusut tusarniaasunut allakkiornikkut apuunneqarumaartoq Nunat Aqqinik Aalajangiisartut aalajangiuppaat. Ima inatsisissatut



siunnersuummi allaqqavoq; *“Medlemmerne af stedsnavnenævnet udpeges for perioder på 4 år ad gangen, første gang for perioden 1. Januar 2017 til og med 31. December 2020”*. Taamatut ullui taaqqissaarlugit ullulernagu ukiut sisamakkaarlugit ilaasortassat toqqarneqartarneri ersersiinnarneqartussaanaera Nunat Aqqinik Aalajangiisartut tusarniaasunut apuutissallugu isummerput.

4. pillugu –

Nunat Aqqinik Aalajangiisartut Oqaasileriffimmit siunnersorneqarnermik kingunerisaanik aappaagumut suliassanut nunat aqqinut tunngasunik aningaasartuutissat Naalakkersuisoqarfimmut siunnersuutissanik suliaqartoqassasoq aalajangiuppaat. Nunat Aqqinik Aalajangiisartut aningaalersorneqarnerisa saniatigut aningaasartuutissat siunnersuutit uku Naalakkersuisoqarfimmut siunnersuutigineqassasut aalajangiuppaat:

- Nunat aqqi akuerisat Oqaasileriffiup nittartagaaniitsilernissaannut aningaasartuutissat missingersuut
- Nunat assinginik nunat aqqinik akuerisanik imalinnik tuniniaasalersinnaanerup piviusunngortinnissaanut aningaasartuutissat missingersuut


Nunat Aqqinik Aalajangiisartut allattaata LMK-p misissorniarpaa nunat assinginik tuniniaasalersinnaanermut najoqqutassanik eqqumaffigisariaqakkanik peqarnerisq.

Nunat Aqqinik Aalajangiisartunut ilaasortat ilaata Kirstine Kreutzmannip siunnersuutigivaa ilaasortat tigummiartakkamik qarasiaasiaqarsinnaanerat pisinnaagaluartoq. Oqaasileriffimmi ningiu Katti Frederiksen ataatsimiinnerup nalaani najuunnermini tamanna akissuteqarfigivaa Oqaasileriffik qarasaasianik angallattakkanik angalanermi atorneqarsinnaasunik peqartoq, taakkulu atorneqarsinnaasut.

NAA-mi ilaasortat aalajangiuppaat tulliani ataatsimiinnissartik septembarimiussasoq.

Karl Elias Olsen
Siulittaasoq

Kirstine Kreutzmann
Siulittaasup tullia



Marianne Petersen
NAA-mi ilaasortaq

Jens Danielsen
NAA-mi ilaasortaq

Bolatta Vahl
NAA-mi ilaasortaq